

A1<sup>v</sup>

Dem wolgelerten/ weifen vnd acht=  
 barn Johann Dreudfch/ Landtſchreiber zu Sie=  
 gen/ feinem guten Freund/ wüntſcht E=  
 rafmus Alberus gnade vnd frieden  
 von Gott dem Vatter/ ꝛc.

ES haben alle verftändige  
 leute für gut angeſehen vnd gelobt/ das  
 man die einfeltigen durch Fabeln / oder  
 gedicht / vnd gleichniſſe vnderweife/ vnd  
 haben recht verftanden/ das /wie andere  
 Creaturen dem dienen ſollen/ der ſie ge=  
 ſchaffen hat/ alſo ſoll man auch der Fabeln vnd gleich=  
 niſſen darzu gebrauchen/ das die leute dadurch gebef=  
 fert werden. Das ich aber den Fabeln die Gleichniſſen  
 gleich mache/ iſt die vrfach/ das die Fabeln nichts an=  
 ders ſind/ dann liebliche Gleichniſſen/ vnd eben daſſelb  
 außrichten/ das die Gleichniſſen thun.  
 Vnd ſolche weiſe zu leren/ wirdt auch darumb ſo ſer  
 gelobt/ weil dadurch bey dem albern Volck viel mehr  
 außgerichtet wirdt/ dann durch ſtrenges gebott. Dann  
 wie die ärzte/ bittere tranck oder Specerey mit zucker  
 oder honig dem krancken eingeben/ auff das er kein ab=  
 ſchewens dafür habe/ alſo muß man des menſchen ver=  
 derbten natur vnd vnuerſtand mit den holdfeligen Fa=  
 beln/ Bildern/ vnd Gleichniſſen helffen.  
 Vnd gleich wie man den Kindern/ ſo wûrm im leib  
 haben / das bitter wûrmmeel mit honig eingibt / alſo  
 muß man vns arme groben/ halßtarrige Leut/ mit fa=  
 beln

A2<sup>r</sup>

Vorrede.

beln vnd bildern bekriegen vnd fangen/ dann sie gehn  
 fuß ein wie zucker/ vnnd sind gut zubehalten. Sie sind  
 wie ein liecht an eim dunckeln ort/ Darü sich auch hei  
 lige Leut vñ Prophetē mit schemen/ in jrer lere Gleich  
 niffen vnnd bilder zebrauchen / ja vnser lieber Herr  
 Chriftus (der die ewige weißheit Gottes ist) hat selbst  
 sein heiliges Euangelium durch Gleichniffen gelert.  
 Dagegen hat der Teuffel auch seine Fabeln / als  
 der Stationierer vnd Mönche lügen im Bapftumb/  
 Machomets Alcoran / vnnd der Jüden Talmüdische  
 Fabeln/ die niergend zu dienen/ dann das sie des Teuf  
 fels Reich mehren / vnnd die Leute von GOTT vnd  
 der warheit führen. Aber vnser Fabeln dienen dem/  
 der sie gegeben hat / vnd preifen sein lob vnd ehr/ leren  
 tugend vnd gute sitten/ vnd bringen groffen nutzen.  
 Liuius im ersten buch/ Decade secunda schreibet/ das  
 Menenius Agrippa die bürger zu Rom mit dem Rath  
 durch die Fabel vom Bauch vnd den andern gliedern/  
 vereiniget habe. Desgleichen hat Themistocles die  
 Bürger zu Athen mit dem Rath durch ein Fabel zufri  
 den gestellt.

Im buch der Richter cap. 9. braucht auch der from=  
 me Jothan ein Fabel/ da er den gotlosen Sich imitern  
 jre vndanckbarkeit fürwirfft/ vnd die zukünftige straß  
 verkündiget. Die Bäume (spricht er)giengen hin/ das  
 sie ein König vber sich salbten/ vnd sprachen zum Ole  
 baum/ sey vnser König ꝛ.

Dergleichen Fabeln sind auch vorzeiten für die ein  
 feltigen Chriften gedicht/ vnd hernach durch vngefchi  
 ckte Leute mißbraucht werden/ als vom Tondalo/ der

A ij mit

A2<sup>v</sup>

Vorrede.

mit einer schweren bürden auff eim schmalen wege gehet / bedeut das arm gewiffen mit sünden beschwert. Vom Ritter S. Georgen/ der den Drachen vmbbringet/ vnd des Königs tochter erret/ bedent das Chriftus den Satan vberwindt/ vnd erlöft die arme fele. Mag auch wol bedeuten ein fromme Oberkeit/ so jhr volck beschirmet für den Tyrannen vnd böfen buben. Von S. Chriftoffeln / der mit dem kind Chrifto durchs vngefütümme Meer geht/ bedeut/ das ein Chriften durch viel trübfal in Gottes Reich kumpt/ Act. 14. Von S. Catharein/ so die hochgelerte Doctores vberwindt/ bedeut den glauben an Chriftum / welcher der sieg ift/ der die welt vberwindt/ wie S. Johannes schreibt. Catharein heift Rein / dann durch den glauben an Chriftum/ werden die hertzen gereiniget / sagt der Heilige Petrus Actorum 15.

Für der gleichen bildtnuß vnd gedicht helt man auch die bücher Judith/ Sufanna/ Tobia. Bei den Poeten findt man ein fein gedicht vom Orpheus / wie er so wol singt/ das jhm Bäum vnnnd Felfen nachfolgen/ bedeut/ das man mit groben Leuten feuberlich fahren muß / wie Keifer Sigifmundus hochlöblicher gedechtnus gefagt hat/ Imperare nefcit, qui nefcit difsimulare. Der kan nicht wol regieren / der nicht auch vberfehen kan.

Es haben auch vor diefer zeit treffliche Leut durch Reimen gute lere geben / Als Doctor Sebaltianus Brandt/ Herr Freidanck/ Herr Hans von Schwartzburg/ Johann Morßheim/ der Schweitzer/ der Renner/ vnd der dz Memorial der tugent gemacht hat/ A=ber

A3<sup>r</sup>

Vorrede.

ber vnder allē hab ich nie kein feiner noch meifterlicher  
Gedicht gelesen/ als dz Buch vō Reinickē/ welchs ich  
nicht geringer achte/ dann alle Comedien der Alten.  
Deffelden buchs meifter ift ein Sachs gewest / ein hoch  
vertendiger weifer man / ein ehr aller Sachffen/ der  
hat wol verftanden was Aula vnd Welt heißt.

Weil nun fo viel ehrlicher/ weifer vnd gelerter Leu  
te/ in Rheimen weife/tugendt zu leren sich befliffen ha  
ben/ Icheme ich mich auch nicht/ diefe Fabeln die ich in  
meiner jugendt gedicht/ vnd jetzt noch ein mal vberfe=  
hen vnd corrigiert habe/ an tag zugeben.

Jch habe aber in meinen Fabeln nie den vorthail  
brauchen wōllen / fo dem mehrer theil der jhenen/ die  
Rheimen machē / fehr gemein vnd jhr befter behelff ift/  
als / Jch thu fchreiben / ich thu lefen / ich thu fingen/  
das foll fo viel gefagt fein/ Jch fchreibe/ lese/ finge. J=  
tem/ Jch bin fchreiben / der ift befchreiben/ foll fo viel  
fein / als ich fchreibe/ der befchreibt ꝛc. Welchs wol vor  
ein mißbrauch der Deudfchen fprachen von vielen ge=  
halten werden mag. Doch möcht einem auch folcher  
vorthail / wann er vberlangs ein mal gebraucht wur=  
de/ zu gut gehalten werden/ funft ifts ein heßliche vnd  
odiofa tautologia/ vnd wie mā im Sprichwort pflegt  
zufagen/ crambe repetita mors eft &c.

Auch habe ich eim jeglichen Verß acht fylben ge=  
geben/ on wo ein Infinitiuus am ende gefellt/ der brin=  
get mit fich ein vberige fylbe.

Jch habe aber/ lieber Herr Landfchreiber euch die=  
fe Fabeln/ das ift/ Lere buch/ oder buch von der tugedt/  
zugefchrieben/ weil ich euch vor andern der Herrn vnd

A iij Für=

# A3<sup>v</sup>

---

Vorrede..

Fürsten diener (mir bekandt) nicht anders erfunden ha  
be/ dann einen liebhaber der erbarkeit / auff richtig/  
vñ on falch/ Bitt/jr wollet diefe meine geringe vereh  
rung für gut nemen/ vnd mich dem achten gebot nach/  
für meinen verleumbdern/ fo viel euch möglich vnd ge  
bürlich/ vertheidigen/ zur ehr Gottes vnd des  
worts feiner gnaden / Dem leit sampt ewerm  
tugentreichen Ehegemahl vnd holdt=  
feligen Kindlein ewiglich  
befohlen.

Regifter